

## Váldde oktavuoða

Eat galgga dahkat morašteaddji ovd-dasvástádussan váldit oktavuoða. Eat mii dárbaš dadjat "Ringje munne jus lea juoga, lean dáppe" danin go morašteaddji ii veaje leahkit dat gii váldá oktavuoða. Dalle lea buoret ahte mii dadjat "Ringen dutnje disdaga fas, vástít jus nagodat". Muhtumin eat oačço mange lágan vástádusa ja lea buorre nu, morašteaddji ii álo nagot vástidit, muhto dalle mii sáhttít ringet, oððasit ja oððasit.

## Botke jaskatvuoda

Mángasat dovdet váttisin váldit okta-vuoða lagamuččain gii morašta. Maid galggan dadjat? Jurddaš jus šaddá dušše jaskatvuhta dahje olmmoš álgá čierrut? Muhto ii leat dehálaš maid dadjat go mii fal botket jaskatvuða. Ja muhtumin sms lea buoret čoavddus go ringen daningo soaitá leat álkít sihke sáddet ja vástidit.

## Leage gierdavaš

Juohke morašteaddjis lea iežas morašprose-assa, masa mis dárbaša leahkit ipmárdus ja gierdavašvuhta. li galgga geahččalit "jeðđet eret" morraša dahje duššástuvvat jus dat bistá. Morrašis ii leat "majemus beaivemearri" iige dábálaš dahje eahpedá-bálaš guhkes áigi mii gollá morašteapmái. Muhtin áššiid dárbaša oktageardánit muittášit, muitalit ja geardduhit, dat soaitá leat dehálaš oassi morraša ipmirdeames ja dikšumis.

## Álggat

Lea buorre jus mii geat doarjut sáhttít leat dat geat evttohit áibbas árgabeaivválaš doaimma. Evttot gáfestal- lat, geahččat filmma dahje dušše fitnat váccašeamen. Mángasat geat moraštit gálibidit bottu morrašis ja unnánaš dábálaš eallima. Dat gean mii bovdet soaitá biehttalit ja dat lea áibbas ortnegis, dehálaš lea ahte jearrant – ja duostat fas jearrant.

## Leage lahka

Mángasat mis ballet bahkkemis earáid ala ja dat dakhá ahte eat válde oktavuoða ollenge. Mii soaitit jurddašit ahte morašteaddji dárbbaha leahkit ráfis dahje ahte ferte vuordit veháš váldimis oktavuoða "dasságo bahámus lea meaddel". Lea dehálaš ahte mii čielgasit čájehit ahte mii leat fáhitemis vai morašteaddji ii dovdda isolašuvnna, leat olggobealde dahje hilgojuvvon.

## Atte sajjí

Dávjá leat mánggas geat moraštit seammá olbmo oktanaga, gos buohkain lea leamaš oktavuohta ja historjá dainna gii lea jápmán. Lea dehálaš ahte mii diktit lagamus morašteaddji leahkit guovddážis ja eat álgge dovddahit min iežamet muittuid ja dovdduid. Mii fertet muitit diktit morašteaddji dovdduid, beroškeahttá makkárat dat leat, leahkit guovddážis. Min jurdagat ja muitalusat nai leat dieðusge dehálaččat – muhto eai dehálepmosat.

Ale bala, mun lean duinna.  
Ale vilppo balus, mun lean du  
Ipmil. Mun manusmahtán ja  
veahkehan du, mun doarjun  
ja gájun du olgeš giedainan.

Jesaja 41, 10



Rávvagat maid gávnnat dán gihppagis leat dušše moadde dan mágga ášjis man mii lagamužžan sáhttít dahkat dasa gii morašta. Ale hejoš dan unnána, unna dagoš nai sáhttá oažžut stuora mearkkašumi. Jos hálíidat eanet doarjaga dahje soapmása geainna sárdnut, leat buresbo-ahtin iežat searvegoddái, sáhtát maid geahččat kirken.no/chat. Lea maid vejolaš rohkadallat dahje gintala cahkkehit neahttabáikkis kirken.no/be

## Mii lea Vuosttaš veahkki morrašis?

Ii oktage dárbbáš lea okto morrašis. Danin lea girku čohkken jurdagiid ja konkrehta rávvagiid mat sáhttet leat veahkkin midjiide go mii leat morašteaddji searvvis. Moraš bávččagahttá, muhto go dan juogada earáiguin de dat geahppu. Girkus leat hárjánan deaivvadit olbmuiguin geat leat morrašis ja leat sidjiide doarjan. Dát rávvagat leat jurddašuvvon veahkkin álgobáliid, go muhtin lea massán lagamučča.

Buohkat geat leat morrašis dovdet dan iešguđet lágje. Buot dát rávvagat eai heive buohkaide eai ge gávdno universála rávvagat. Danin soitet oallugat dovdat iežaset eahpesih- karin deaivvadettiin earáid morrašii. Norgga girku doaivu dái rávvagiid leat ávkin ja ahte dat ráhkkanah-tet olbmuid, nu ahte ii oktage báze okto moraštit.



NORGGA GIRKU

# Vuosttaš veahkki morrašis

Konkrehta rávvagat go  
deaivvadat muhtimiin gii lea  
morrašis



NORGGA GIRKU